



08.11.2019



**АДЛИЯ вазири Р.Давлетов раҳбарлигида ташкил этилган Республика ишчи гуруҳи томонидан Тошкент шаҳрида “International House-Tashkent” ҳамда Жаҳон иқтисодиёти ва дипломатия университетининг академик лицейларида тадбиркорлик субъектлари билан сайёр учрашувлар ўтказилди.**

Ушбу тадбирлар Давлатимиз раҳбарининг “Тадбиркорлик фаолиятини қўллаб-қувватлаш ва ҳимоя қилиш тизимини тубдан такомиллаштириш чора-тадбирлари тўғрисида”ги Фармони ижросини таъминлаш мақсадида ўтказилмоқда.

Пойтахтимизда бўлиб ўтган сайёр қабулда 200 дан ортиқ тадбиркорлик субъектлари ва чет эл инвесторлари иштирок этди. Улардан 50 га яқин мурожаатлар келиб тушди.

Мазкур учрашувни ўтказишдан асосий мақсад тадбиркорларни қийнаб келаётган муаммоларни ўрганиш ва уларга ҳуқуқий амалий ёрдам бериш ҳисобланади.

Хусусан, ўтказилган учрашувда мурожаатчилар томонидан ер участкаси ва кредит ажратиш, муҳандислик-коммуникация тармоқларига уланиш, бузилган иморатларга нисбатан компенсация тўловларини ундириш, божхона ва солиқ тўловлари ҳамда бошқа бир қатор масалалар кўтарилди.

Мурожаатларни кўриб чиқиш давомида вазирликлар, идоралар, хўжалик бошқаруви органлари ва тижорат банкларининг фаолиятига бевосита тааллуқли бўлган айрим муаммолари жойида ҳал этилди.

Масалан, “Exim Serlen Noque Corporation” масъулияти чекланган жамиятининг ТИФ “Миллий банк” Мирзо Улуғбек филиали томонидан 600 миллион сўм миқдоридagi кредит маблағи ажратилмаётганлиги ҳамда “Technology Hadjar Export” масъулияти чекланган жамиятининг 30 миллион сўм миқдоридagi кредит маблағи ажратилишида амалий ёрдам кўрсатиш ҳақидаги мурожаатлари Марказий банкнинг Тошкент шаҳар бош бошқармаси томонидан қисқа муддатда

ҳал этилиши белгиланди.

Шунингдек, “Super Ardua” масъулияти чекланган жамиятига ажратилган ер майдонида қурилишларни амалга ошириш борасидаги муаммолари юзасидан ҳуқуқий тушунтириш берилди.

Шу билан бирга, Республика ишчи гуруҳининг жойларда ўтказилган учрашувлари давомида тадбиркорлик субъектлари ўзларини қизиқтирган барча саволларига батафсил жавоб олди.

Маълумот учун: Адлия вазири Р.Давлетов раҳбарлигида ташкил этилган Республика ишчи гуруҳи томонидан жорий йилнинг июнь ойидан буён 9 та ҳудудда ўтказилган сайёр қабуллар давомида 6 000 га яқин тадбиркорлардан 1 155 та мурожаат қабул қилиниб, уларнинг 93,5 фоизи ҳал этилди.

Тадбир ташкилотчиларининг таъкидлашича, мазкур учрашувлар республиканинг барча ҳудудларида ўтказилиши режалаштирилган.

89 [Чоп этиш](#) [1] [PDF](#) [2]

## Сўнгги янгиликлар:

- [Пинҳона уланган тармоқ охир-оқибат фош этилди \(2019 йил, 45 сон\)](#) [3]
- [Вояга етмаганлар нега жиноятга қўл урмоқда? \(2019 йил, 45 сон\)](#) [4]
- [Ҳаётнинг ёрқин ранглари кўп уни кўра билиш учун буюк қалб керак \(2019 йил, 45 сон\)](#) [5]
- [Оила, маҳалла, давлат бу тушунчалар бир-биридан айро эмас](#) [6]
- [Тилимизни таназзулдан асрайлик! \(2019 йил, 45 сон\)](#) [7]
- [Тадбиркорларга кўрсатилаётган хизмат турлари кенгайтирилмоқда \(2019 йил, 45 сон\)](#) [8]
- [Кулайлик: хизмат ходими ҳам баҳоланади \(2019 йил, 45 сон\)](#) [9]
- [Ҳуқуқий мадад — ҳаммага, ҳар доим, ҳамма жойда! \(2019 йил, 45 сон\)](#) [10]
- [Ҳуқуқий тарғибот. Сайлов жараёнида фаол иштирокни таъминлайди \(2019 йил, 45 сон\)](#) [11]
- [Ўзбекистон норма ижодкорлигида баҳолаш услубиётини жорий қилишнинг қиёсий-ҳуқуқий таҳлили](#) [12]

---

**Source URL:** <http://insonvaqonun.uz/?q=runklar/5086>

### Ссылки

- [1] <http://insonvaqonun.uz/print/5086>  
[2] <http://insonvaqonun.uz/printpdf/5086>  
[3] <http://insonvaqonun.uz/node/5111>  
[4] <http://insonvaqonun.uz/node/5110>  
[5] <http://insonvaqonun.uz/node/5109>  
[6] <http://insonvaqonun.uz/node/5108>  
[7] <http://insonvaqonun.uz/node/5106>  
[8] <http://insonvaqonun.uz/node/5105>  
[9] <http://insonvaqonun.uz/node/5104>  
[10] <http://insonvaqonun.uz/node/5102>  
[11] <http://insonvaqonun.uz/node/5100>  
[12] <http://insonvaqonun.uz/node/5098>